

**Dissertatio medica inauguralis, de vertigine ... / Eruditorum examini
submittit Godefridus Bullick.**

Contributors

Bullick, Godefridus.
Wittichius, Jacobus.

Publication/Creation

Lugduni Batavorum : Apud Conradum Wishoff, [1735]

Persistent URL

<https://wellcomecollection.org/works/nzbkkb4t>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO
MEDICA INAUGURALIS,

D E

V E R T I G I N E.

QUAM,
ANNUENTE DEO TER OPT. MAK.

Ex Autoritate Magnifici Rectoris,

D. JACOBI WITTICHII,

A. L. M. ET PHIL. DOCTORIS, EJUSDEMQUE FACULTATIS,
UT ET MATHESEOS PROFESSORIS;

NEC NON

*Amplissimi SENATUS ACADEMICI Consensu,
& Nobilissimae FACULTATIS MEDICÆ Decreto,
PRO GRADU DOCTORATUS,*

Summisque in MEDICINA Honoribus ac Privilegiis
ritè & legitimè consequendis,
Eruditorum Examini submittit

GODEFRIDUS BULLICK;
Delphensis.

Ad diem 21. Octobris 1735. berâ locoque solitis.

CONSTANTIA

TRIUMPHANT



三

ЭИЛОДЯМ

ХАМПТОН ЛЕТ ОБСЛУЖИВАЛ
СИДНЕЙСКИЙ АРЕНДОВАЛ

5

CONSULTISSIMO VIRO
D. ARNOLDO BULLICK,
J. U. D.
PATRI MEO OPTIMO, INDULGENTISSIMO,
OMNI FILIALI AMORE ET OBSEQUIO
SEMPER ET UBIQUE COLENDO
PROSEQUENDOQUE

Si quid est, PATER AMANTISSIME, quod humanis mentibus al-
tè inditum sit ab ipsa natura, aut verius a Summo naturæ Con-
ditore Deo Opt. Max. in iis certè numeranda sunt duo hæc, Pa-
rentum Cultus, & pro acceptis beneficiis grati animi testificatio. Ho-
rum officiorum nulla gens ignara est, nulla expers qualisunque Re-
ligio, nulla ab iis aliena barbaries. Hæc autem cum singula & per
se nota & ubique sanctissima habeantur, quam ea vim habere censem-
bus ubi ambo inter se conjuncta exhibentur animo & suâ jam sponte
amanti, & de suavissimis illis officiis ex Divina Lege uberioris edocet?
Quem animum cum mihi beneficio Summi Numinis inesse sentiam,
COLENDISSIME PATER, non sanè diurna consultatione opus fuit,
ut intelligerem cuius nomini hæ studiorum meorum primitæ inscri-
bendæ essent. Cui enim post Deum, nisi Tibi, accepta referam & vi-
tam ipsam, & liberalem ac Christianam tum pueritæ tum adolescen-
tiæ institutionem, & quidquid demum mihi hactenus seu commodum
seu utile accidit aut porrò accidere poterit? Tot beneficiorum vicem
aut gratiam rependere me nequaquam posse, res ipsa clamat. Sed
interim gestit animus vel exiguum munusculum, at magno cum amo-
re, magna cum reverentia, offerre. Sine igitur, PATER SUAVIS-
SIME, hæc qualescumque Theses Tibi dicare: quod si pateris, novi

beneficii loco habeo, spretum non suisse tantillum obsequium. Unum illud optarem, ut mihi integrum esset in Tuas hic laudes expatriari, & in Te anno praedicare virum ferid Christianum, civem integrum, Patrem familias vigilantissimum. Sed vetat pudor, & publica existimatio, dum metuo ne Parentis laudibus studiosè immorando mihi ipsi nimium savere videar, & laudem ipse captare. Hæc ergo vel invitus prætermittens, unum hoc, PATER AMANTISSIME, contestabor, nihil mihi unquam fore antiquius amore & observantiâ Parentis optimi, nullam gratiorem memoriam quam tot ac talium beneficiorum Tuorum, nullam majorem curam ac diligentiam quam in exquirendis iis quibus aliquid saltem gratiarum tali Patri referre queam, nullum denique votum flagrantius quam ut possim non tam verbis quam rebus ipsis exprimere quanto animi affectu & quo cultu semper esse cupiam.


PATER COLENDISSIME

Tibi deditissimus & ad omnia
obsequia paratissimus
Filius

GODEFRIDUS BULLICK.

A U C T O R.

DIS-



DISSE^TRAT^O MEDICA
INAUGURALIS,
DE
VERTIGINE.
§. I.

*De signis, Definitione, se^ede atque Divisione
Vertiginis.*

VERTIGO Latinis derivatur a verbo *Vertere*, & agere. Græcis autem άνοσος audit; quæ vox, teste EROTIANO in expositione vocum Hippocraticarum, saltationis genus significat, dum scilicet saltaturus uno tantum pede terræ insisteret, atque in gyrum sese verteret; quæ lusus scena ab inexercitato peracta, mox poenam vertigine luebat, atque ante ipsius oculos vorticosa quædam, & rotabilia circumagi videbantur.

Hæc affectio, vertigo nuncupata, omni quâ poterit sedulitate inquirenda, atque intelligenda venit Medico, qui Enkephali morbos & cognoscere, & curationem suscipere attentaverit; est namque hicce morbus omnium capitalium morborum primus, idque non unico titulo, verùm primus est, tum quoniam levissimus.

DISSERTATIO MEDICA

mus in se, tum quia cura illius respectu cæterorum capitis morborum facillimè absolvitur, tum denique quod omnes cephalici morbi ab hac affectione primordia fortuntur.

Ut autem mirificum huncce morbum pro dignitate utcunque describam, agam quocunque valeant humeri; si quid ferre recusent, illud *Tironi* concedendum precor, qui non nisi ut obtemperem *Academiæ* legibus hæc conscribo.

In vertiginis descriptione duplex omnino occurrit methodus; altera quidem quæ a definitione exorditur, tuncque omnia, quæ ad eam spectant, apprimè cognita esse supponuntur. Altera verò est mascula illa Veterum Methodus, quæ a Scholarum tricis libera, castè, & candidè cuncta exponit Phœnomena, quibus enarratis, deductis, atque firmissimè stabilitis, tradit tandem ex iisdem morbi, qui præ manibus est, definitionem. Hanc secundam Methodum initurus, vertiginem a gradu levissimo, ad ultimum usque tradam ita, ut ex memoratis morbi apparitionibus, tandem ejusdem definitionem statuere liccat.

Primum Phœnomenon, sive apparens sensibus nostris signum, est *Rotatio* rerum naturaliter quiescentium. Oculi ut & objecta quiescunt, sed videntur objecta moveri atq[ue] rotari.

Dum motus ille apparens semicircularis est, ut plerumque fit, tunc propriè *Vertigo* dicitur; si verò contigerit, ut objecta videantur ex alto deorsum delabi, vel ex infimis sursum adscendere, non vertigo, sed *nutatio* appellatur, quæ græcis κυρτος.

²dum. Est apparens coloris mutatio objectorum non mutantrum, qui color cæruleum & viride præ se fert, id est iridis colorem imitatur: unde & Belgæ solent dicere *Het wierd my groen, en blaauw voor d'ogen*. De peristromatibus viridibus flaminisque apparentibus conqueruntur.

³tum. Est *vacillatio*: quando sustentantes, atque sustentandi musculi labefactantur, vix est qui se sustineat, signum utique Pathognomicum infirmitatis, quod ad lapsum tuâ sponte auct: unde.

4^{um}. *Metus lapsus*. Hic audacissimus miles, constantissimusque Philosophus timet, atque tremit, enervatur quippe totus homo, neque generositas illius, neque sapientia hujus vel quidquam amplius valere deprehenditur.

5^{um}. Oboritur *dissidentia & tremor*; atque hoc signo indicatur *primum mobile vacillare*.

6^{um}. *Visus geminatus*. Objectum licet non nisi unicum, geminatum tamen cernitur: sic filius patri adstans, ut turri quae derant reficerent, dixit; video mihi videre duas turres, quibus prolati mox præceps actus fuit.

7^{um}. *Tinnitus, sibilus, atque bombus aurium*. Quod Phœnomenon accuratus ubivis, sine verbositate limpidus, sine superfluo castus ARETÆUS CAPPADOC *de causis, & signis morborum diutur*: lib. 1. cap. 3. his verbis eloquitur: "Auribus murmur veluti delabentis cum strepitu fluminis insonat, aut tanquam ventus flatu vela percutiens, aut tibiarum fistula rumque cantus, aut veluti stridor plaustris currentis obstruit".

8^{um}. Morbo augescente adstant *nausea atque vomitus*. Vide ibidem lit. C. Ut enim nausea & vomitus vertiginem creant, sic vertigo nauseam atque vomitum inducit.

9^{um}. *Lipothymia* subsequitur. Homo sentit pristina animositate se destitui, & deficere.

10^{um}. Fit σκοτος, id est tenebrisæ caligines circum oculos observantur. Sic GALENUS commen. ad Aphor. 17. lib. 4. "Tenebrisæ vertigo, quando res conspectæ videntur circum volvi, & sensus visus repente deperditur, cum ægroti sibi te nebras circumfundi existiment."

11^{um}. Tandem *lapsus*, utpote Paralysis omnium muselorum arbitrariorum, tragædiæ ad finem ducit. Est autem hicce lapsus 1^o. Vel cum *anaesthesia*, id est, sensuum externorum, ut & saepe internorum ablatione. 2^o. Vel cum *acinesia*, id est, immobilitate. 3^o. Vel cum *Lipopsychia*; ubi functionibus mentis deletis nullius vel consciï sunt, vel recordantur.

4^o. Vel

4º. Vel cum *asphyxia*, dum arteriæ haud amplius micant; veluti in vertigine quæ tendit in *syncopen*, & in mortem.

12^{mum}. Ultimò terminatur vertigo; Vel in *syncopen*; dum non modò sensus, non modò motus, sed & ipse calor vitalis deficit: Homo quasi concitus prosternitur, ut videre est in *syncope cordis*, *Hart-Vangst*. Vel in *apoplexiam*, tuncque homo subitò omni sensu carens, omni motu arbitrario omnique facultate privatus cadit sine sensu motuque; respiratione, atque pulsu sæpe fortius incitatis. Vel in *parapoplexiam*, id est, voce medica, in levem apoplexiam, ubi sensus quidem sepulti, ita tamen, ut stimulo ignis, vulnerisve &c. sensus nonnunquam redeat. Vel in *Paralyzin*, sive resolutionem muscularum, qualiscunque illa fuerit. Vel in *Epilepsiam*, quando homo subitò humili procumbit, amissis sensibus externis internisque, cum concussu violento, involuntario muscularum omnium vel aliquorum reciproco, altè dormit atque proflat toto pectore somnum, tandemque instar hominis sani resurgit.

En initium, progresum, exitum ipsius vertiginis; atque hæc Phœnomena simul sumta dant demum veram certamque vertiginis definitionem; quam si petis, dicam esse: *Rotationem rerum naturaliter quiescentium, cum mutatione colorum objectorum non mutatorum &c.*

Hujus definiti morbi *sedes* locatur in sensorio communi. Non dico *causam*, si integrum velis, sed intelligo ultimam illam Affectiōnem quando vertigo infestat in sensorio communi tragædiam suam peragere: invictas dicti probationes si volueris, En paucas.

1º. Nemo negaverit unquam visum multipliciter affici; Afficitur enim *in motu*, quippe omnia videntur moveri. Afficitur *in colore*; apparent enim colores cœruleo-virides, distinguunturque objecta, nec totum objectum confusè circumvertitur, sed distinctè cernitur. Afficitur ipse oculus, sive mutetur axis visus, sive ipse oculus, sive retina; appetet enim *visus geminatus*, suntque vel duo foci, vel duo objecta in uno foco.

2º. Nemo inficias ibit *auditum* quoque affici, dum unus de tinnitus, sibilo, atque bombo conqueritur; alter vero de murmur

mure

mire delabentis cum strepitu fluminis, vel de vento vela percussante, vel de fistularum cantu, vel denique de stridore plaustris currentis: atqui veluti non oculus, sed mens videt, non auris, sed mens audit, principatum gerens in aristeterio catholico; sic apparentes objectorum mutationes afficiunt demum memoratum modo locum.

3º. Hoc ipsum docet vacillatio, tremor, resolutio, lapsus; Hisce namque indicatur affici illa pars, quae affectionibus animæ inservit: atqui hanc voco sensorium commune: Ergo &c.

4º. Vacillant musculi omnes: Ergo afficitur sensorium commune in parte impetum faciente.

5º. Pulcerrime dixit DURETUS vertiginis causam esse in parte animæ Phantastica, utpote illa mentis facultate, quæ absentes res tanquam præsentes listit, quæque sensus tum internos, tum externos, ut & motus animales facit; verum limpida ipsius DURETI verba audiamus in coa. Hipp. cap. 13. pag. 215. „ De vertiginis natura, & causis hæc fuit, manetque omnium Medicorum firma consensio: quod ea versatur in falsa imagine Φαντασίας cui circumrotari, circummagique videntur, quæ circumcirca sunt, quamvis immota.”

Hæc de sede vertiginis suffecerint; ejusdem divisionem aggredior.

Celebris dispertitio est in duas classes, quarum altera vertigo *morbosa*, altera *critica*; hac omissa, de illa dicturus.

Vertigo morbosa dividitur in *Idiopathicam* & *Sympathicam* sive *Deuteropathicam*.

Idiopathicæ dicitur dum causa vertiginem creans suam figit sedem intra ipsum cranium, afficitque sensorium commune, sic V. C. sit quis optima fruens valitudine, videat nivem densam cadere, conspiciat intentis oculis, vertigine corripetur, & fortè cadet: pono nihil huic deesse, simpliciter motus fit, continuatur, pergit, omnia rotantur, cadit.

Sympathica vero ubi sensorium commune quidem afficitur, sed hærente causa non in cerebro, sed in alio corporis loco. Sic à *Cicuta* (cujus historiam tam eleganter tradidit WEPFERUS) ver-

DISSERTATIO MEDICA

tigo non Idiopathica, sed sympathica, causa ventriculum infestante.

Visis hisce; mali causas ut contemplemur sponte ducimus.

§. I I.

De variis vertiginis causis.

Generalis causarum divisio fit in causas proëgumenas, sive prædisponentes; & in causas procatarticas, sive occasio- nales. Piores quamdiu solæ non constituunt morbum, sed na- tare reddunt corpus aptum ut facilè suscipiat morbum, aliis causis accendentibus. Sic pestis veloci falce demetit; senes, melancho- lici, hydropici, lentis morbis laborantes bellissimè valent, dum interim flos juventutis, sani, robustique letho traduntur: cau- sa eadem, sed diathesis sive prædispositio tam varium sortis exi- tum nanciscitur. Postiores autem prioribus si accesserint, mor- bus adest: unde axioma traditur: *Nulla causa proëgumena est tota morbi causa, sed debet accedere alia quæ proëgumenam excitet, combinatio morbum facit.* De utrisque hisce causis paucis differere animus est; ac primò quidem de *causis proëgumenis*, quas hoc or- dine propono.

1o. Vertigini obnoxii sunt, quibus fibræ, vasa, & viscera laxa atque debilia; sive hæc debilitas ab inertia virium solidorum in liquida; sive ab alimentis magis tenacibus sua indole, quam virium permutantium in corpore virtus est; sive denique a quacunque humorum jactura nimia, seu evacuatione; sive hæc fuerit periodica, sive diurnè nimis persistens; neque refert cu- jusnam tandem naturæ ipsa fuerit, sive per menstrua, sive per hemorrhoides; sive per fonticulos, sive per ulcera &c. vide WILLIS: *de anima brut.* cap. 7. pag. 131.

2o. In vertiginem proni sunt, quibus facilis nervorum spiri- quumque mobilitas: tam exigua, tam subtilis, tam simplex hæc verti-

vertiginis causa ut quidquid egeris assequi non valeas; imo licet assequi possis, extra omnes artis limites res locatur ut hanc facultatem eximas, nisi fortè turbato corpore in quacunque facultate, & nisi mutata cerebri actione; certe res saepe tam impervia, ut vel optimi etiam medici cespitent, animoque despondent, haecque causa saepissime, & laborantem, & Medicum fatigat, ut priusquam morbus sanari poterit, alteruter alteri tedium fuerit; sic videoas tum viros Hypochondriacos, tum feminas Hystericas, tum quibus adest diathesis in Epilepsiam. Hisce omnibus ut laxa solida, sic facilimè mobilia liquida; His spiritus infirmior, quam qui possit sustinere motum; His ad minimam mutationem corpus non idem manet. Vide de hisce ARET. CAPP. cap. 5. pag. 1. & cap. 11. pag. 24.

3º. Vertigine facilimè corripiuntur Plethorici, quibus pulcerrimus sanitatis status est, sed & simul periculosissimus, est namque plethora copia boni sanguinis major, quam quæ ferre possit eas mutationes, quæ vitæ inevitabiles accidunt, nisi inducantur morbi. Vel Plethora est a rarefactione liquidorum, Vel deinde a nimia transfusione in arterias; in hunc numerum adscriptos vertigo facilè infestat; si enim caput incipiunt habere flammeum, oculos lacrymantes, micantes ad tempora arterias, si splendores, veluti in tenebris apparent; dum ferrum acuitur ad lignum, tunc ex plethora vertigo, ut jam olim observavit DURETUS.

4º. In vertigine proclives, quibus materia olim evacuari consueta nunc istitutur; sane evacuatio sive naturalis sive præternaturalis periodicè olim facta, si subsistit, non substituta alia, vertiginem creat. Audiamus magni ARETÆI CAPP. enunciata de curat. morb. diutur. lib. 1. cap. 3. lit. C. „ succedit, „ inquit, cephalææ vertigo, & ipsa per se propriis de causis oritur, si profluvium ab haemorrhoidibus coeretur, si emari bus sanguis non effluat, qui prius effluere confueverat, si corpus non difletur aut sudore, aut labore antea fatigatum.”

Sed quid moror, res ipsa exemplis evadet clara, perspicua, infracta.

1o. Menstrua in valente virgine soluta semel, si prohibeantur, vertigo adest. Vide HIPPOC. pag. 203.

2o. Juvenibus Plethoricis rumpuntur arteriæ narium, adulatis autem hæmorrhoides fluunt, sicque natura ipsa suprapondum expellit, quod si in actione sua perturbetur adstat illico vertigo, luente capite pœnas evacuationis suetæ jam suppressæ. vide HIPPOC. in coa. pag. 218. & pag. 434. ut & ARET. CAPP. pag. 118. lit. C. & pag. 54. lit. A.

3o. Materia Catarrhosæ ; sive titulo podagræ cum suis satellitibus ; sive titulo distillationis, arthritidis, (quam veteres a Podagra distinxeré) ; sive titulo Coryzæ in membrana SCHNEIDERIANA ; sive demum titulo anginæ catarrhosæ, in multis hominibus certo tempore gignitur, genita ad magnam copiam, si non evacuatur, manet in humoribns afficitque caput primario poteritque turbare totum corpus.

4o. Materia ulcerosa, fistulosa, fonticulorum, herpetum, scabiei veræ, omniumque efflorescentiarum cum humiditate, vel siccitate, si natura quominus illam evacuet impediatur, mala quævis oboriantur necesse est : sic videoas vertiginosos infantes, quorum si decem a prima infantia hoc mali genere correpti fuerint, novem laborabunt a refrigeratis, atque repercuissis efflorescentiis.

Hæ causæ proëgumenæ, sive prædisponentes ad ipsam vertiginem. Ordo exigit, ut causas occasionales contemplemur, quæ prioribus si accesserint vertigo tetras suas ludit partes.

Hæ causæ occasionales duplices sunt, vel enim tales quæ in corpore mutant nihil, vel quæ mutando aliquid vertiginem producunt.

Prioris classis hæ sunt :

1o. Gyratio corporum extra nos positorum, quæ intensis atque fixis oculis adspiciuntur. Hæc causa ferè ubique tantæ efficaciam, ut etiam sanissimis corporibus frequenter vertiginem creet; & fere indubitate corporibus ad vertiginem prædispositis,

positis: „ capitis & oculorum circumvolutiones atque intentiones vertigines adferunt, ARETÆUS CAPP. de curat. morb. diuturnor. cap. 3. lit. A. pag. 120.

2º. Intentus conspectus rapidi fluminis ex alto desuentis, quem qui diu intuetur vertigine capit. „ Vertiginem aquæ fluxus adfert ARETÆUS CAPP. ibid. cap. 4. pag. 122. lit. E.

3º Versatilis rota vel molendina fixo oculo si observetur. Vide ARETÆUM CAPP. pag. 1. lit. B. ut & turbinati coni circumacti in orbem; vel & cadentis nivis attenta observatio; unde monet ARETÆUS CAPP. „ Ne ullum, qui in orbem volvatur, neque turbinem, qui circumagatur inspiciat. Est enim imbecillior quam ut firmum stabilitat spiritum, nam simul cum circulo vertitur. de curat. morb. diutur: lib. 1. cap. 4. lit. E. pag. 122.

4º. Concussus sellæ perceptus: Hoc, quæso, paradoxum ne dixeris, firmus licet, rem expertus indubitatem fateberis, si firmo federis loco basisque cui insides diutius concutitur.

5º. Motus in Rheda præcipue si retrofactus, maximè si in torquosis regionis tramitibus, vel assiduis itineris flexibus gestatio fiat: tunc enim vertigines oboriuntur, ut loquitur ARETÆUS CAPP. ibid. cap. 3. pag. 119. lit. E. & sanè in decima parte hominum hæc causa producit vertiginem. „ Quia, inquit WILLIUS de anima brutor. cap. 7 pag. 129. spiritus valde fluxiles nimis agitati, tanquam aqua in vitro concussa, inordinate huc illuc transfluent.“

6º. Agitatio nœvis in robustissimo homine non modo vertiginem, sed vacillationem talem infert, ut sese nullo etiam modo continere queat, pergitque vertigo per omnes memoratos antea gradus, imo in sudores algidos atque in ipsam syncopen. Haec causa tam est efficax ut sui impressionem diu relinquat; vide mus enim, quibus vertigo ab agitatione in navi, in continente diu ab eadem veluti perseverante infestari. Vide WILLIUS loco mox laudato.

7o. *Statio in alto praerupto loco*, maximè si nulla tali in loco adfuerit fultura; sic qui a sublimi monte in vallem conspicit & montem ope angustæ trabis descendere cupit, si clausis oculis, fortè sine lapsu poterit, si vero apertis vertigo metusque arripunt, insequiturque lapsus. Verum audiamus WILLIUM qui hisce disertè adstipulatur. de anima brutor. cap. 7. " Intuitus, inquit, ab alto & pontium transitus vertiginem excitant in quantum ab objectis inasfuetis, nec non a corporis situ, aut incessu periculoso imaginationi terror injicitur, unde ipsa valde sollicita, quo pacto spiritus in nervorum corpora ritè ordinat, ac firmius dirigat eos in cerebri meditullium revocat, adeoque a solito affluxu, & irradiatione pervertit, tumque eorum aciem melius instruere, & certius dirigere satagit, cura nimia in confusionem quandam, ac motum irregularem adigit."

8o. *Rotatio corporis circa idem centrum* quæ quo velocior, eo citius pariet vertiginem: vide ludibundos pueros hoc certaminis genus ineuntes quis eorum uni pedi insistens, queat velocius simulque diutius in gyrum circummagi; si ingeniosus astutè clausis oculis exercitium peregerit, satis diu abique metu vertiginis vel lapsus valebit. (veluti equi claustris ophthalmicis occoecati, in gyrum pergunt) si vero lusus ignarus certaverit mox corruct vertigine correptus.

Idem esto judicium de capitis, oculorumque circumvoluti-
nibus, quæ dirissimis saepe vertiginibus plectuntur.

Altera classis causarum occasionalium continet eas quæ mutando aliquid in corpore, vertiginem ciēnt; atque hæ sequentes enumerantur.

1o. *Vulnus capitis effundens liquida*, sive mox sub Cranio, sive inter duram matrem atque piäm, sive intra cerebri ventriculos. En quam limpido, atque aptissimo sermone utatur MAGNUS, & ubi vis venerandus HIPPOCRATES hanc doctrinam ut inculcat de capitis vulneribus Sect. 6. pag. 108. ubi de Crani fissura, aut collisu dijudices vult, ut inquiras num æger vertigine correptus fuerit, aut tenebræ oculis offusæ, aut alto sopore detentus conciderit. & iterum lib. 5. Epidem. pag.

337. dicit „illi cum causa vulnerante affusa est vertigo, & caligo tenebricosa; Supponens utique a liquidi ex vulnera effluxu.

2º. Percussio capitis summo impetu facta cerebrum ipsum concutiens; licet haec fuerit sine humorum effusione, vertiginem nihilominus facit. sic videmus boves obtuso ferro cranium percussos, durum si fuerit cranium ad primum ictum procumbere, atque nullus effusus sanguis apparet, verum concusus produxit vertiginem, titubant, vacillant, cadunt.

3º. Omnis causa quæ æquabilissimam Cerebri ipsius expansionem, vel impedit, vel aufert; quæque ita cerebrum premit ut vertigo infestet: neque refert, an causa illa egerit intropremendo cranium per Tlypsin; sive ossis difformitas per exostosin cerebrum spectantem, sive effusio sanguinis, Lymphæ, puris, ichoris &c.

4º. A Cephalæa. Quæcunque demum fuerit causa in cerebro fixa hærens, sive ab humoribus, sive a solidis: & iterum sive ab humoribus frigidis veluti in Leucophlegmaticis, Hydropicis, Phlegmaticis; sive ab Humoribus Calidis ut in Plethoricis; sive ab humoribus Acribus, quemadmodum vel in Atrabiliariis, ut statuere Veteres, vel in scorbuticis, ut describit WILLISIUS de vertigine scorbutica §. 4. Cap. 6. pag. 114. a Cephalæa, inquam, exoritur vertigo, teste ARETÆO pag. 27.F. & 118.C. Ut & a Cephalgia, ubi tamen causa non fixa, non pertinax: tandem & ab Hemicrania, quando alterutra capitis pars afficitur, vertigo poterit evenire. Hi humores intra caput stabulantes, vertigini ansam præbent.

Accedunt & aliae causæ occasioales, quas brevitatis causa paucis indicasse sufficerit; ex harum numero 1º. est Ebrietas: Canis, Elephas, Equus, homo a liquido cui inest Alcol titubare, vertigine affici, labi, mori possunt. Vide WILLIS de anima brut. cap. 7. pag. 129. 2º. Inanitio nimia vasorum quæcumque: V. G. multum sanguinis ex naribus profluvium, ut & ingens sanguinis missio sive ex arteria sive ex vena; ut & nimius

mius menstruorum, lochiorum, haemorrhoidum &c. fluxus, vertiginem incitat.

3º. *Insolatio.* Cujus mali adeo sollicitè meminère VETERES, quodque quā poterant sedulitate caput tegendo abigere conati sunt; ni enim fieret, brevi vertigo, & inflammatio in capite, Phrenitis, tristes edebant effectus, idque maximè in sanis Plethora-cis, prae ira agitatis corporibus, magnisve curis occupatis &c.

4º. *Exercitatio corporis immoda* vertiginem saepius producere valet, atque vertigo ea de causa nata, pergit saepe per omnes gradus ad vomitum usque.

Visis causis tum praedisponentibus, tum excitantibus Vertiginis *idiopathicæ*, jubet ordo ut ad causas excitantes vertiginis *deuteropathicæ* transeam; quae causae licet longius distent à cerebro, attamen illud afficiunt pari modo ac si ipsum Cerebrum *Idiopathicè* afficeretur: inter haec causas praeprimis hae recensentur.

1º. A nervis abdominalibus affectis, cuius causa non quidem semper manifesta, sed haerens in succo nervoso illorum nervorum tristissimos producit effectus, quos cernimus in morbo, qui *Colica pictonum* audit. Adeo mirabilibus sanè torquentur modis, ut vel oculatissimus atque perspicacissimus medicus causam assignare nesciat; hoc unum admirans, quod nervis illis affectis, vertigo mox praesens sit, totaque functio ipsius sensorii communis afficiatur, perturbetur, & quandoque deleatur. idem est de *Choleræ* incremento, ut observavit ARETÆUS pag. 17. lit. E.

2º. Nascitur vertigo vel ab humoribus, vel ab heterogeneis sub diaphragmate haerentibus, quae vel eo delata, vel ibi genita deprehenduntur; atque in his 1º. Generaliter omnes humoris molesti, testante GALENO comment. in Sect. 4. ad aphor. 16.

„Fit, inquit, hoc malum (vertigo) si modo os ventriculi mor- „, detur a molestis humoribus.” 2º. A bile atra, vel flava sive mota, vel fixa. Tristi suo exemplo veritatem hujus assertionis confirmant *Atrabiliarii*, quibus materia tenuissima, liquidissima, initissima diffusa, materies terrestris accumulatur, atque oleo inviscata facit massam quasi piceam, creatque saevas vertigines.

Ne-

• Neque *Bilioſi* hoc ipsum minus testantur, quibus si bilis tendit deorsum, fit diarrhæa: si autem sursum adſcendit, ventriculus ipſe mordetur & inde vertigo "Vertigo, inquit, **GALENUS**, „ inprimis a bile." Vide ibid. Unde frequens vertigo his qui inediā patiuntur, tunc enim, ut testantur **HIPPOTRATES**, **CELCUS**, **GALENUS**, bilis ventriculum petit, quo affecto afficitur cerebrum, & terribilis fit vertigo ſæpe in Apoplexiam definens. Sanè in morbis acutis nil exagitatur magis quam ipsa bilis. 3°. *A pituita* fluctuante atque repente vermium instar in ventriculo; malum non infrequens Leucophlegmaticis ſenibus. 4°. *Ab ulcere interno.* Quod observatum ut pulcerrimum ita & certissimum nobis reliquit fidelis **ARETÆUS CAPP.** "Si, inquit, "de curat. morb. diutur. lib. 1. cap. 13. lit. F. pag. 127. ad ſto- "machum ſurſum versus pus rapitur, tunc orietur nauſea, o- "dium cibi, vomitus pituitæ, aut bilis, defectus animæ, ver- "tigo uſque eo donec pus erumpet." 5°. *A collectione sanguinis* in ipſo ventriculo; qua de re **ARETÆUS** verba faciens ait, "Si "multa materia collecta eſt, angor animi, vertigoque ſequi- "tur: quum materiam vomuerunt, ſublevantur." 6°. *A lacte* coagulato haerente in ventriculo. Hæc cauſa creberrimè in infantibus vertiginem producit, cum coloſtrum per ventriculi pylorum transire nequit, amiflo ſero novum accedit coloſtrum, repletur ventriculus ita, ut nec egredi, nec ingredi vel quidquam poſſit: ejusmodi infantes lucem fugiunt, oculos dum aperiunt, ſæpiſſimè non modo vertiginosi, ſed & Epileptici evadunt; atque causam mali in coloſtrum debere refundi ſecta eorum cadavera docuēre, ubi ventriculus coloſtro acido repletus non levem ſanè mali ſuspicionem exhibuit. 7°. *A Vermibus*, qui poſt protractum jejuniū ventriculi latebras quaerunt, tu-tum petentes domiciliū, iter versus ventriculum instituunt, ibique famelici abſumunt liquorem nutritiū, atque rependo, ventriculumque vellicando, mordendo, vertiginem, imo Epilepticos iuſtus ſæpius producunt. 8°. Quodcumque etiam præter memorata corpus hæterogeneum inimicum ventriculo ſcenam ſuam vertigine absolvit; five fuerit lapis, five acicula,

sive nummus &c. roserit, stimulaveritque ventriculum. Memorabile hanc in rem videsis exemplum apud Cl. Ruy-schium de puerō, qui stuferum deglutierat, indeque tum vertigine, tum & Epilepsia ad mortem usque cruciabatur. 9°. *A nimia ventriculi repleione Vertigines heu!* quantæ sunt, ingluviei atque crapulae ventriculus fert pœnas, distenditur ille ultra debitum tonum; arteriae, venae, nervi comprimuntur, utraque ipsius ora clauduntur, contenta materia incipit vel putrefactio, vel fermentescere, vel rarefactio, augetur ventriculi distentio, idque nusquam sine vertagine.

En fidelem, ut puto, vertiginis historiam petitam ex recensione tum causarum prædisponentium, tum excitantium, ad signa ejusdem vocor, quæ §. sequenti tradituras. Itaque :

§. III.

De signis diagnosticis, prognosticis, anamnesticis vertiginis.

Tripartita est de signis morborum doctrina, quam qui ad amissim novit, observat, atque secundum illam artem medicam exercet, errori vix obnoxius in veritatem tutò intrabit; etenim morbum ipsum per suas causas noscet, ejusdem existum prædicere poterit, in ejus recordatione non falletur; sic nullibi dubius, nullibi incertus, nullibi ignarus habebit. Hæc paulò proprius contempleremur, ac 1°. quidem *de signis diagnosticis.*

Certum atque indubitatum est pro diversitate causarum, quas memoravi §. 2. oboriri diversos morbos, qui licet ultimatim errunt iidem, attamen respectu causarum censentur diversi: omnes in eo convenient adesse vertiginem, etiamsi ex diversissimo quandoque oppositis causis ortam. Verè medicus erit qui signa diagnostica non fallacia posuerit, quæ dupliciter mentem

me-

mēdici instruunt 1°. præsentem morbum ab omni alio distin-
ctum menti offerunt. 2°. Ex diversis morbi speciebus signant,
quæ morbi species adfit.

Signa quæ primum punctum absolvunt, sunt sequentia.

1°. *Apparens motus corporum quiescentium*; Qui motus pro ut
minor, major, lentior, rapidior fuerit, vertigo ipsa major mi-
norve erit.

2°. *Caligo oculorum*, quæ si densior fuerit, vertigo saeva
magis existet, si verò illa benignior, haec levior prodibit.

3°. *Splendores subitanei* interpolati inter caliginem, velati
scintillæ igneæ, quæ rursus magnitudine differunt, quod si
maximæ, brevi post amaurosis sive cœcitas perfecta fiet, appa-
rente oculo nitido, pulcro & optimo.

4°. *Vacillatio & lapsus*; genuum resolutionem dixit ARE-
TÆUS.

Hæc signa certam dant diagnosim distinguuntque vertiginem
ab omni alio morbo. Verum id scivisse minimè sufficit, sed ex
recensitis causis debet interstingui atque internosci quaenam sit
morbi species, quæ praec manibus versatur, id est, ut ad Thema
revertar, an sit vertigo *idiopathica*, an autem *Deuteropathica*.

Hoc, inquam, peti debet ex causis cognitis atque antea me-
moratis, ex iis enim scimus vertiginis idiopathicae causam hae-
ttere in ipso Enkephalo; deuteropatice vero aliunde derivari ut
ex fonte ipsumque cerebrum ultimò afficere, illius causam esse
vel plenitudinem, vel inanitionem, vel defectum. A plenitudi-
ne quidem ut V. G. in Plethoricis: ab inanitione autem, veluti
ab evacuatione nimia humorum sive naturalium, sive praeter-
naturalium, ut sanguinis boni, puris &c. denique a defectu,
dum requisiti spiritus minus quam par est generantur, sive ob-
staculo fuerit senile mucosum, sive aquosus vappidusque san-
guis, sive quaecumque demum causa quæ in classem causarum
frigidarum referri poterit; modò spirituum regeneratio, atque
refectio impedita fuerit, orietur vertigo Idiopathica à defectu.

Vertiginis autem deuteropathicae *Diagnosis* petenda est ex
causis ejusdem excitantibus, quas descripsi §. 2. pag. 16. 17. 18.

Uti certa atque indubitata sunt signa diagnostica vertiginis, non minus anceps ejusdem prognosis, quæ petenda ex signis diagnosticis docentibus num idiopathica, an deuteropathica sit vertigo.

Si idiopathica, generalis ejusdem prognosis est, quod sit periculosa. Mala vertigo si capitis symptomata est, mala quoque si cephalææ successit, aut ex ea vetusta ægritudine orta est. Sic ARETÆUS capp. de causis, & sign. morb. diuturn. lib. I. cap. 3. pag. 28.

Si verò deuteropathica, attendendum prorsus est, an ipsius causæ sint curabiles, an incurabiles, an facile, an difficulter curabiles, ut firma fiat prognosis. Perquirendum quoque est, an non occurant simul aliæ functiones læsæ; si vitales læsæ magnum sanè periculum imminet; si animales, periculum quoque intentatur, ita tamen ut prius longè magis formidandum sit; si naturales spes major affulget.

Signa tandem anamnestica huc plurimum faciunt: illa enim in animum revocant quæ præcessere, adeoque non sunt nisi recordationes causarum, quæ præiverant. Quicunque adæquata aitiologyæ cognitione gaudet, atque perfectam diagnosis formavit, non est quod hæreat dubius sed illico audax dicere poterit est ex tali vel tali causa. Meretur autem rei dignitas ut exemplo illustretur: Vertiginem V. G. video, plethoram antecessisse scio, & hanc validum exercitium insequutum, statim per anamnesin causa ipsius vertiginis exponi poterit. Tam pulcra, tam amœna hæc medicinæ pars, ut in arte medica summum atque frequentissimum obtineat usum. Hanc rideant ignari, insulſe dicant: Vetula poterit observando, & recordando signa colligere, eorumque tempore opportuno meminisci. Quam falluntur quitalia non verentur proferre, ubi verè magnus medicus qui hanc partem callet, sapienter dirigit, diligenterque perficit; econtra vero hanc qui ignorat, non nisi dubia dicitur sorte, neque multum dissimilis ancillæ, cui obtigerant praescripta heri sui defuncti, quæ de vita humana ludens collegit chartulas dixitque opem implorantibus: *Det DEUS bonam sortem, & cui sorte ob-*
venc-

venerat chartula, hæc ipsi administrabatur. Diutius vertiginis signis Diagnosticis, Prognosticis, Anamnesticis ut immorer, non videtur res, utpote plana satis, exigere; igitur vertiginis curationem porro aggredior.

§. IV.

De Vertiginis curatione.

Vertiginis curatio ut feliciter absolvatur, requiritur omnino ut cuique classi propriam curationem adjiciam, unde:

- 1º. De Vertiginis Idiopathicæ curatione,
- 2º. De Vertiginis Deuteropathicæ curatione dicam.

Primam causam proëgumenam vertiginis idiopathicæ dixi à fibrarum, vasorum, viscerumque debilitate.

Haec causa ut feliciter curetur, indicatur roboratio fibrarum vasorum, viscerumque; quae fiet:

1º. *Corporis exercitatione;* quo enim quis minus utitur exercitio, eo ipsi partes fluidae magis dissolutae, eo partes solidae magis tenerae: visa res in Henrico IV. Galliarum Rege qui solo exercitio ex debili factus robustus. Sunt autem varii admodum exercitii gradus, atque prudentiae est, ut a levissimo exordium fiat, tandemque transitus ad exercitium majus. Sic convenit 1º. *gestatio,* exercitium quod propriè infantibus adhibetur, dum in cunis agitantur; pessimum dum infans laborat plethora; salubre vero dum a debilitate. Hac agitatione omnimomento nova fit actio atque reactio solidorum in liquida, liquidorum in solida. 2º. *Fricatio* Haec maximum hoc casu remedium: haec parva si fuerit, venæ premuntur, si major arteriae; minor venas exagitat, major arterias atque nervos à spiritificus hujus exercitii effectus est, ut illud boni praefter-

quod per motum muscularum alioqui deberet fieri, scilicet augetur ipsa vis vitalis, quæ hac ratione ad summum gradum usque perduci potest. 3º. *osillatio*, quæ est in funibus mobilibus agitatio; hanc Medici tempore Neronis invenere, & habuerunt præstantissimum, quod totam compagem roboret, remedium. 4º. *Vectio navi, rheda, equo*. Hanc in rem vide quæ tradit SYDENHAM pag. 414. " nihil ex omnibus, quæ mihi haec tenus
 „ innotuere, adeo impensè sanguinem, spiritusque fovet, fir-
 „ matque, ac diu multumque singulis ferè diebus *equo vehi*".
 Et iterum de equitatione loquens pag. 457. ait " Genus exer-
 „ citii digestiones singulas invigorat firmatque, dum a conti-
 „ nua corporis succusione calor naturalis reaccenditur
 „ inde digestionem deperditarum quasi renovatio quaedam, &
 „ è consequenti totius corporis crais optima" Vide eundem pag.
 212. 415. 416. 469.

2º. Cibus sit facilis concoctionis, qui simus plurimum nutrit. Atque primo loco sit *lac. humanum, asinimum, equinum, caprillum, vaccinum debilissimis visceribus laboranti* hoc ordine præscribendum monet CL. BOERHAAVE parte 2. Chemiae pag. 298. " Lac autem fœminæ sanæ, ætate integræ, mo-
 „ tu salubri exercitatæ, victu laudabili utentis reliqua
 „ superat, si post coctionem in nutrice peractam, potatur. Pro-
 „ ximum est asinimum, dein caprinum, ac bubulum, ut tra-
 „ dit idem in mat. med. pag. 1. " Fœminimum quoque præfert ARETÆUS CAPP. pag. 103. lit. D, & de lacte asinino loquens pag. 128. lit. A. dicit. " Bilem non generans, bene nutriendi, in caseum non spissescens, quæ lactis virtus est". Lac Asini-
 „ num multis quoque efficit HELMONTIUS pag. 213. §. 73. a la-
 „ ctis usu spiritus corroborantur invigoranturque ait Sydenhamus pag. 413. 2º. loco sit *panis triticeus cum propriis furfuribus ri-*
tè fermentatus, biscoctus, vel leviter tostus. Simplex profectò
remedium, sed tantæ efficaciæ ut fortè nullum sibi simile sit, si
eius decoctum, gelatina, tremor usu legitimo, atque manu Me-
dica administretur: Vide Mat. Med. CL. BOERHAAVE pag. 2.

si autem ob rei simplicitatem vituperes; vide Remiges in mari mediterraneo, qui fortes vitam pane, & aqua sustentant. 3º. Ovi recentis albumen adhuc tepens dilutum in lactis, & aquæ æqua portione sine ullo igne adhibito. 4º. jus Carnium paratum ex carne a pinguedine accurate repurgata animalis fani, junioris, exercitati; quod ex Gallinaceo genere paratum præfertur cæteris, vitulinum dein, postea ovilluin, bubulum denique, & quæ ex permistis fiunt, meraciora habentur reliquis. 5º. Vinum florentinum, rubrum acerbum, græcum vi adstringenti praeditum commendatur: quia & uberrima spirituum copia, & robore fibras virtute præstat. Non majus extat remedium, si ei intinctus fuerit panis, & omni trihorio V.G. ad dragma II. assumitur. Huc quoque referuntur cerevisiae meraciores; sic Momma Brunsvicena, cui intingitur panis biscoctus, & aliis, ne despiciatur, tegitur. Hoc modo ex mortis limine erepta Domicella Hagana, quae adeo erat debilis, ut lumen vix ferret. Continet Momma illa quasi quintessentiam Tritici, si sumitur nimia copia, morbos creat, si justa mirificè debilitati succurrit, uti a majori igne comburitur, qui a minori blandè calescit.

3º. Somnus sit matus, in superiori aedium parte, ubi non tanta humiditas, ligna ibidem sint non picta ut eo facilius exhalationes imbibant. Stragula sint siccissima, quae restanti momenti ut aliter vix currentur Rachitici. Vestis sit ex lana siccata saepiusque mutata quae vapores imbibat.

Haec de cura prophylactica: si autem praesens modo vertigo, & haec curanda est per remedia Therapeutica, in quibus princeps mollis corporis adstringatio per fascias. Memorabile hanc in rem est exemplum nobilissimi Brittanni, cui vertigo a debilitate, qui sanatus adstringendo indusium; adstrictione enim major vis atque robur vasis conciliatur.

Huc tandem faciunt remedia Pharmaceutica, suntque Roborantia, ut & Aromatica. Veluti Cort. Capparis, Tamarisci, lap. hematitis, chalybs, opopanax, galbanum, aloë, myrrha mastiche, Cinnamomum, Cariophylli, macis, nux muristi-

ca, Thymus, origanum, conserva Rosmarini, Rosarum rubrarum, terra Catechou, Miva Cydoniorum, flor. Centaurii minoris, salvia &c. vide mat. med. CL. BOERHAAVII de curatione fibrae debilis & laxae.

20. Vertiginis causa exoritur *a facili nimis spirituum mobilitate*. Hujus ut perficiatur curatio, indicatur eorundem facilis raptus cohibitio. Huic satisfit diathesin procreando repertae causae oppositam: hoc universale atque obscurum dices; non negaverim, attamen Medicus non aliis poterit armis hic uti. Suadeat peregrinationem, sodalitium, ut fiat ignoratio eorum, quae ansam praebuere facili Spirituum mobilitati. Per opium fiat Spirituum sedatio, vel dragm. 1. vel 11. Syr. diacodii praescribantur. Hac methodo, ut constitit millenis exemplis, optatus subsequitur eventus.

Cura hujus confirmans reponitur in continuatione eorum quae hancce causam abigerunt, mutarunt, abstulerunt. Cui rei suffragatur non fallax experientia: visus quippe est homo, cui omnia incassum adhibita fuasum tandem aquas medicatas ut peteret, obtemperat, iter instituit, redit firmus magis, atque ejusdem praescripti continuatione adeo firmatus, ut nullo modo morbosae mobilitati amplius obnoxius fuerit.

3^{tius}. Fons atque origo vertiginis est *plethora*, quae ut tollatur, requiritur 1^o. Ut praesentem plethoram, si a nimia liquidiboni copia, solvas, quod poteris V. S. 20. Ut impediatur quo minus liquidum rarefactione peccet, id praestari poterit tollendo causas illas quae motum nimium cohibent, quibus ablatis Plethora hac de causa enata feliciter abgetur. 3^o. Si Plethora originem debet nimiae sanguinis transfusioni in arterias, indicatur, a. Ut arteriae ipsae deplecantur, idque five applicando fomenta ad nares eo scopo ut ibidem rumpatur arteria, five alliciendo atque eliciendo per haemorrhoides vel fotas vel irritatas, five agendo scarificatione, ut olim Ægyptii suis agebant cucurbitis, five ope hirudinum; five denique ipsa Arteriotome. B. Ut avertatur motus a capite, determineturque versus inferiora, quod fieri 1^o. ope Epispasticorum plantis

pedum appositorum, veluti si animalis pars, puta V. G. lienem, plantis pedum applicatur &c. 2º. ope frictionum moderatarum versus inferiora. 3º. huc plurimum faciunt fomenta atque balnea, iis namque venae laxantur, quibus laxatis arteriae facilis deplentur.

Haec de Cura prophylactica Vertiginis a Plethora exortae: Therapeuticè hisce pugnandum erit 1º. sit aeger quietus, in loco obscuro, frigidiusculo, silente. Quodque verbulum pendet quam plurimum. A. Nisi enim quieverit rapietur velocius sanguis, atque oleum igni ministrabitur. Vide Aretaeum Capp. pag. 72. & seq. B. In loco obscuro. Non majus sanè remedium iopiendi vertiginem, quam claudere oculos sicque commercium luminis avertere. Fabrum Vertiginis mutabilitatem visu perceptam dixit ARETAEUS CAPP. C. In loco frigidiusculo; etenim Calore quando sanguis rarescit, pejus inde habent Plethorici, cum effectus idem sit an a liquidi copia, an ab ejusdem rarefactione malum oboriatur. D. loco denique silente; ubi scilicet nullus rumor, nullus strepitus, nullum murmur percipitur. 2º. Viectus sit ratione qualitatis admodum tenuis, ratione quantitatis parcus, ne fortè majori copia ventriculus distendatur atque aorta prematur, vel ventriculus ipse nimium incitetur. Idem esto de potu. 3º. Pacati sint animi affectus; hos enim summos in Cervi braco excitare motus nemo unquam negaverit, vel enim ipsos videmus in aliis, vel ipsi sentimus. 4º. Vigiliæ, quantum commode fieri possint, plurima hic præstant. Ut enim somnus effectu suo Caput replet, & ipsa Vertigo modo intentat Apoplexiā, id est somnum perfectum, sic Vigiliæ somno oppositæ Vertiginis causam arcent. 5º. Capitis firmatio fiat; pulvinacula capiti supponantur, ne vacillando, vel nietitando caput luat poenas. 6º. Medicamenta sint talia quæ inducunt modica refrigeria, quæ motum sedant, atque liquidi rarefactionem prohibent. In his princeps est Nitrum; quod in lingua deliquescens maxima præstat. Excellens quoque est Tartarus, qui continuo ad pauca grana assūmtus, leviter alvum movebit, atque prorsus mirifica efficiet. Præterea succi expressi de berberis: Ribe-

sior: sambuc: cerasor: bene maturorum &c; alvum laxant, refrigerant, urinas movent, furentique nimis motui habenas injiciunt. Qua poterimus sedulitate caveamus hic loci a Cephalicis herbis adeo in Vertigine laudatis summisque encomiis elatis, ut sunt lavendula, majorana, Rosmarinus, Ruta, salvia, serpillum, Thymus, quæ herbae ut optima præstant in casu ubi Vertigo causam sortitur a debilitate, sic ubi plethora Vertiginem producit, non remedia, sed venena merentur dici.

Curatio tandem confirmatoria hisce inniti debebit 1º. *Victus* ut tenuior ita & parciōr requiritur; uti enim *victus plenus Plethorae* mater, ita parciōr illam profligat. 2º. *Labor*, qui quidem dum *Plethora* urget, malos produceret effectus, sed sublatā ante *Plethora* labor efficit ne denūd illa increscat. Utriusque hujus diēti veritas patescit; sic enim *GALENUS de Gymnaisticis* loquens narrat se fuisse *Præfectum* eorum qui ludo gladiatorio pro capite demicabant, lautissimè alebantur, depugnaturis autem mittebatur sanguis, ne inciderent insueto motu a *Plethora* in Apoplexiam. Alterum quoque evidens est, labore enim omnis pinguedudo dissipatur; *Videsis* equos veredarios, quam sunt pinguedudine non onusti, dum gerunt membra fracta labore, qui stabulis quieti, atque victu gavisi opiparo mirifice impinguescunt, & *Plethora* fere suffocantur. 3º. Huc usui veniunt quæ obæsitatem dissipant, è quorum Catalogo pauca memorasse sufficerit. Conveniunt omnia *Absinthia*, excepto insipido, inter illa optimum est *Ponticum*, Card. Benedict: qui auget perspirationem in infuso si usurpetur repugnatque *Plethorae*; centaurium min. marub. alb: Rad. Gentian: scordium palustre &c. Haec autem quando *Vertigo* a *Plethora* infestat si incongruè atque inopportunè administrentur, augebitur *Vertiginis* causa; valent autem quam plurimum si caute, sanato prius morbo, exhibantur; eo scopo ne morbus recidivus fiat.

4ra. Causa *Vertiginis* desumitur a subsistente atque impedita & retenta materia, olim evacuari consueta. Haec causa ut infringatur atque auferatur, requiritur 1º. Ut evacuationis consuetae, nunc suppressae, fiat restitutio; ita tamen ut morbus, ab eva-

evacuationis retentione timendus, periculosior fit, quam infinituenda eyacuatio. Imo prudentiae atque sapientiae est, ut, tuto si fieri possit, corpus ab evacuationis lege ac servitute liberetur, avertendo ipsam humorum plenitudinem. 20. Ut fiat evacuationis substitutio omnium commodissima. Audiamus ARISTAEUM CAPP. de curat. morb. diutur. lib. 1. cap. 3." Si ab aliis qua humorum suppressione morbus inciderit, usitata excretio movenda est." Memoratae indicationi satisfaciunt fetacea, ulcera artificiosa, fonticuli, menstruorum solutio, haemorrhoidum provocatio, suetae haemorrhagiae restitutio &c.

Humores evacuando, corrigendo, derivando curam Therapeuticam absolves, ut in Plethora. Palliabis autem abstinentia, quiete summa, mero fere aquæ usu.

Confirmabis si, ubi æger tuto loco repositus fuerit, cum ita direxeris in omnibus causis tum prædisponentibus, tum excitantibus, atque in VI rebus non naturalibus, & medicamentis, ut priorem statum, quantum possis, avertas.

En historiam curationis vertiginis idiopathicæ juxta causarum ejusdem classim directam. Sequitur ut per paucis curationem vertiginis Deuteropathicæ indicem, unde :

10. Si a nervis abdominalibus affectis evenerit vertigo, indicatio pro varietate effectuum ab hac affectione prodeuntium docabit an hoc vel illud sit agendum, atque tunc curatio juxta indicationem variam, varia instituenda erit. Illud autem constare invenimus quod usus gummi asiaticorum, bals: copaibæ, peruviani, Terebinthinæ, succorum ex herbis leniter antiscorbuticis, si fidelis constansque fuerit, morbum hunc radicitus profligaverit. Maximè autem dum frictio abdominis, ut partes inde mollescant; equitatio, exercitium, agricultura, una cum memoratis remedii instituantur.

Cura Therapeutica absolvitur iis, quæ cerebrum mutant grata averione, haecque tunc sufficit: sic vertigo hac de causa si fuerit exorta, odoratu sp. sal. ammon: antevertitur, non tollitur quidem causa, sed præcavetur, ne afficiatur cerebrum.

Curatio ubi perfecta fuerit confirmatio ope corundem perficitur.

2º. Altera vertiginis Deuteropathicæ causa vel ab humoribus, vel ab heterogeneis sub diaphragmate hærentibus. Indicatio est, ut vel enerventur, vel corriganter, vel expellantur; unde:

1º. Si *ab humore* ventriculi os mordente, in ejusdem subactio-
ne vel expulsione absolvetur curatio.

2º. Si *à bile*, hæc vel corrigenda, vel expellenda, sive per
vomitum sive per alvum.

3º. Si *a pituita*, hæc impugnanda venit medicamentis, quæ
glutinosum spontaneum tollunt: id est, medicamentis diluenti-
bus, resolventibus, stimulantibus, biliosis, saponaceis. Vide
mat. med. præstantissimi HERMANNI BOERHAAVE pag. 26. ad
44.

4º. Si *ab ulcere interno*, tunc teste ARETÆO CAPP. de curat.
morb. diutur. lib. 1. cap. 13. "Præcipuum fuerit in aliam par-
tem avertere. Prava enim hæc via est. Quod si pus violentius
feratur, omnia facienda sunt, stomachoque succurrentum
escis, medicamentis, victusque ratione, sed omnia leniter ad-
hibenda. Medicamentis quidem, ut sinus effringatur, studen-
dum est. Herbam itaque hyssopum cum mulsa potui dato,
& marrubii comam, ipsam quoque cum mulsa & succo ab-
sinthii . . . dandum est & asinimum lac bilem non generans,
bene nutriens, in caseum non spissescens . . . ægrotanti gra-
tificandum in cibo & potionē . . . meminisce quoque oportet
ubi ulcerum radix est." &c.

5º. Si *a collectione sanguinis* in ventriculo ille expellendus, &
causa unde originem dicit tollenda.

6º. Si *a lacte coagulato*, illud dissolvendum, viæ lubricandæ, ut
locus detur facilis expulsioni.

7º. Si *a vermis*, tunc pugnes medicamentis quæ 1º. ver-
mes necant, 2º. expellunt, 3º. eorum nidum destruunt. Vide
mat. med. CL. BOERHAAVII pag. 232. 233. & 234. 235. & 229.
ad 231.

8º. Si *ab heterogeneo* hærente vel in ventriculo vel in intesti-
nis,

nis, non fiet usquam curatio nisi expellatur id, quod naturam perturbando vertiginem creat, quodque ipsa monet, nititurque ut quo possit molimine abigatur, sive id fiat ope vomitorii, sive ope purgantium.

* 9º. Ultima causa *a nimia ventriculi repletione, ejusque distensione;* hic summa cautela, atque circumspectione ejus depletio tentanda, qua facta tollitur distensio, hac sublata, vertiginis causa enervata atque amota erit.

Absolvi vertiginis historiam, brevitati studui, ne angustos dissertationi præscriptos limites transgrederer. Utinam concinnior quo ad sermonem, limpidiorque foret dictio; quae valui peregi, idque unicè quoniam & debui, & lubens Academiae legibus obtemperare volui: Tironi errores qui occurrerint, ut dentur rogo. Caeterum omnibus & singulis summè Venerandis artis medicinae Professoribus perrennes dico gratias, si quid in celeberrimis Apollinis scientiae studiis profecerim, illisque Viris me nusquam non devinctissimum gratus agnosco.

F I N I S.



COROLLARIA.

L

Non oculus videt, nec auris audit.

II.

Sedes Vertiginis, ut videtur, est in sensorio communī.

III.

Sensorium commune in Vertigine affici potest in omnibus suis facultatibus.

IV.

Sensorium commune in Vertigine affici, ex effectis video, modum ignoro.

V.

Muscularum actio a nervis dependet.

VI.

Quomodo ab affectis nervis abdominalibus vertigo, saepe nemo assequitur.

VII.

Decantata remedia Cephalica quandoque nocent.

А Т Р И Б У Т О В О

СИМФОНИЯ

22

СИМФОНИЯ СОЛНЦА И ЛУНЫ

23

СИМФОНИЯ СОЛНЦА И ЛУНЫ

24

СИМФОНИЯ СОЛНЦА И ЛУНЫ

25

СИМФОНИЯ СОЛНЦА И ЛУНЫ

26

СИМФОНИЯ СОЛНЦА И ЛУНЫ

27

СИМФОНИЯ СОЛНЦА И ЛУНЫ

